

堯山堂外紀

堯山堂外紀卷七十八

晉陵蔣仲舒編

國朝

高皇帝

元天曆戊辰夙降靈帝以是年九月十八日丁丑未時生時河上取水澡

浴忽有紅羅浮來遂取衣之故所居名紅羅幃鄰有二卽神廟其夜火光照耀及天

明廟徙東北百餘步自是室中常有神光每響臨將卧忽煜燭若焚家人慮失火亟起視之惟堂前供神之燈耳及討元旗幟戰帽襖裙皆用紅色蓋以火德王色尚赤

也故

皇考仁祖淳皇帝先家泗州盱眙有第一山元人  
文若題詩其上曰汴水東流過舊京恢圖妙筭  
入皇明暫携諸將停歸騎來看中原第一城詩  
作於元而皇明之句竟與國號相符蓋亦異云  
高廟既塋 仁祖 淳后之明年為至正乙酉淮  
楚間童謠曰富漢莫起樓窮漢莫起屋但看羊  
兒年便是吳家國至即吳王位元年丁未即羊  
兒年也明年戊申建元洪武六月壬寅彰德路

天寧寺塔忽變紅色自頂至踵表裏透徹如煨  
鐵初出于爐上有光焰迸發自二更至五更乃  
止癸卯甲辰亦如之先是河北有童謠云塔兒  
黑白人作主南人客塔兒紅朱衣人作主人公  
其應如此

高廟在軍中喜閱經史操筆成文雄渾如元化自  
然征僞漢至瀟湘賦詩云馬渡溪頭首着香片  
雲片雨至瀟湘東風吹醒英雄夢不是咸陽是

洛陽

高廟詠菊詩云。百花發。我不發。我若發。都駭殺。要  
與秋風戰一場。遍身穿。就黃金甲。又詠雪詩云。  
一片兩片三四片。五片六片七八片。空中不見  
打羅聲。萬里江山都是麵。又詠扇面紅木犀云。  
月宮移就日宮栽。引得輕紅入面來。好向烟霄  
承雨露。丹心一點為君開。

吳元年初置翰林院。以陶安為學士。聖祖賜以

一對曰國朝謀略無雙士翰苑文章第一家

天兵圍集慶路與元兵大戰元兵解去乃堅守江

左見驛中有七歲兒居其中 上問之對曰臣

故父當此役今臣代父耳 上曰善對乎曰然

上曰七歲兒童當馬驛即對曰萬年天子坐

龍庭 上大喜蠲其役

太平府不惹菴 太祖既渡江嘗題詩于壁後庵

僧洗之及有天下僧乃獻詩云御筆題詩不敢

留留時只恐鬼神愁。曾將法水輕輕洗。猶有餘光射斗牛。

太祖微時於鳳陽城中遇一遊僧手持小磬號於衆曰擊磬賣詩聲絕詩就。太祖因指雞卵為題僧隨念云一塊無瑕玉中涵混沌形忽然成五德叫落滿天星。

太祖嘗微行入酒坊遇一監生時坐客滿案乃移土地神几與生對席問其里居則四川重慶人

也。帝因屬句曰：千里為重重，水重山重慶。府生應曰：一人成大大，邦大國大明君。帝又舉翼几小木命生賦詩，應曰：寸木元從斧削成，每於低處立功名。他時若得臺端用，要向人間治。不此平。帝喜，明日召生，命為按察使。秣陵人家供土神於地始

太祖嘗進一廢寺，壁間畫一布袋僧，墨痕尚新。旁題偈曰：大千世界浩浩茫，收拾都将一袋藏。畢



竟有收還有散。放寬些子又何妨。帝為政尚  
嚴猛。故以此諷之。亟命索其人不得。

高廟賜都督楊文詩云。大將南征。膽氣豪腰懸秋  
水。呂虔刀馬鳴甲冑。乾坤肅風動。旌旗日月高。  
世上麒麟終有種。穴中螻蟻更何逃。大標銅柱  
歸來日。庭院春深慶百勞。

高廟賜善世法師文彬鳳陽行云。老禪此去正秋  
時。臨淮水碧見蒼眉。月明淮海鏡清影。廣寒處

處影常隨水。簾洞口溪雲白。知是山人愛游客。  
淮海月高天氣涼。西風凋葉。櫨長陌。清霜將降。  
鴈鳴天。淮之南北盡平川。荆山神禹鑿。役使多  
幽玄。禪心若欲與對越。切莫將心戀丹闕。野人  
本與紅塵隔。且去溪邊弄明月。

高皇后薨臨葬期風雨雷電 帝甚不樂忽召僧  
宗泐至曰太后將就葬爾其宣偈焉泐即應聲  
曰雨落天垂淚雷鳴地舉哀西方諸佛子同送

馬如來。

帝甚悅頃忽朗霽遂啟輒詔賜泐白

金百兩

建文帝

皇太孫洪武三十一年即位實建文元年也後革除一應建文中所改易洪武

政令悉復舊制仍以洪武紀年

初懿文太子生太孫頂顙頗偏高廟撫之曰半

邊月兒及讀書甚聰穎肫夕懿文與同侍側

高廟命詠初月懿文詩曰昨夜嚴陵失釣鉤何人移上碧雲頭雖然未得團圓相也有清光照

九州太孫詩曰誰將玉指甲掐破碧天痕影落  
江湖裏蛟龍不敢吞 上覽之不悅蓋未得團

圓影落江湖皆非吉兆也及懿文薨太孫立乃

授鑰匣戒以臨難乃啟比得披剝之具及楊應

能度牒出走無知者

初太祖既有天  
下謂劉

復有何術以教朕之嫡孫使守天下基曰有因  
成一小篋用鐵汁灌其鎖授之及靖難兵入建  
文君開篋而視則架菜一伽黎一剃刀一  
度牒一曰此劉伯溫教我也遂為僧而遁

建文帝既削髮被緇執楊應能度牒雲遊四方自

湖湘入蜀朝廷疑之命給事中胡濬等以訪張  
邁通為名遍物色之不可得遂自蜀入雲南復  
遊閩最後入廣西嘗遇貴州羅永山白雲庵中  
題二詩壁間曰閱罷楞嚴磬懶敲笑看黃屋倚  
團瓢南遊瘴嶺千層迥北望天門萬里遙欵段  
久忘飛鳳輦袈裟新換袞龍袍百官此日歸何  
處獨有羣鳥早晚朝風塵憶昔忽南侵天命潛  
移四海心鳳返丹山紅日遠龍歸滄海碧雲深

紫微有象星還拱玉漏無聲水自沉遙想禁城  
今夜月六宮猶望翠華臨久之人知為建文君

逃避去

瑤枝玉樹屬仙家未識人間有此花清致不沾凡雨露高標猶帶古烟霞歷年

既以何曾老舉世無雙莫漫誇便欲戴回天上去擬從博望借靈槎此三丰遊老張玄玄詩也玄玄名全一或曰通一三丰其號也世呼為張邈邈

正統間思恩知州岑瑛出行忽一僧當道立從者  
呵之不避詰其度牒乃楊應熊也曰此非吾姓  
名吾有所托而逃者汝不聞金川門之事乎瑛

大駭聞于巡按御史奏之驛送赴京踰為老佛  
途次賦詩云牢落江湖四十秋蕭蕭華髮已盈  
頭乾坤有恨家何在江漢無情水自流長樂宮  
中雲氣散朝元閣上雨聲愁新蒲細柳年年綠  
野老吞聲哭未休及至京朝廷未審虛實以太  
監吳亮曾經侍膳使之審視老佛見亮即曰汝  
非吳亮耶我昔御便殿時弃片肉於地汝兩手  
俱有所執伏於地而口取之記否誠拜而哭已

而復命遂取老佛入大內以壽終葬西山

劉基

字伯溫青田人舉元進士為萬安丞江

西行省掾史江浙儒學副提舉行省考  
試官兩為元帥都事行樞密經歷行  
省即中慶州總管府判前後九政

劉基初見

太祖問能詩乎基曰儒者末事何謂

不能時

帝方食指所用班竹箸使賦之基應

聲曰一對湘江玉並看二妃曾洒淚痕斑帝

顰蹙曰秀才氣味基曰未也漢家四百年天下

盡在張良一借間帝大悅以為相見晚



劉伯溫思美人詩曰雨欲來風蕭蕭披桂枝拂陵  
茗繁英墮鮮葉飄揚烟埃靡招搖激房帷發綺  
綃中髮膚憺寂寥思美人隔青霄水泚泚山峒  
峽雲中鳥何條條欲寄書天路遙東逝川不可  
邀芳蘭花日夜凋掩瑤琴閑玉簫魂裊裊心搖  
搖望明月歌且謠聊逍遙永今宵

劉伯溫次李子庚韻云風落餘花春事非愁心煙  
雨共霏霏溪雲不作從龍起山石何須學燕飛

籬下舊存彭澤菊。林間新長首陽薇。夜闌忽漫  
聞啼鳥。腸斷天涯信使稀。

劉伯溫題陸放翁賣花叟詩云。君不見會稽山陰  
賣花叟。賣花得錢即買酒。東方出日照紫陌。此  
叟已作醉鄉客。破屋含星席作門。濕螢生竈花  
滿園。五更風顛雨聲惡。不憂屋倒憂花落。賣花  
叟。但願四海無塵沙。有人賣酒仍賣花。

宋濂

字景濂。目力甚明。能於粒米上書孝弟  
忠信禮義。庶耻八字。元至正中。隱居仙

華山為道士易名玄貞子號仙華道士國  
初以文柄推視四海時曾禮部魯博貫羣  
籍嚴陵徐尊生嘗曰南京有博學之士二  
人以一舌為筆一以筆為舌指二公也

洪武八年秋八月甲午 上覽川流之不息陋尹

程秋水賦言不契道乃親更為之賦成召禁林  
羣臣觀之且曰卿等亦各撰賦以進宋濂率同  
列研精覃思鋪叙成章詣東黃閣次第投獻

上皆親覽焉復寘品評於其間已而賜坐勅太  
官進天厨奇珍內臣行觴觴已 上顧濂曰卿

何不盡飲。瀟出跽奏曰：臣荷陛下聖慈，賜臣以醇酎，敢不如詔。第臣年衰邁，恐不勝杯酌，志不懾氣，或愆於禮度，無以。上承寵光爾。上曰：卿姑試之。瀟即席而飲，將徹。上復顧曰：卿更宜嚼一觴。瀟再起固辭。上曰：一觴豈解醉人。手卒飲之。瀟舉觴至口，端又復瑟縮者三。上笑曰：男子何不慷慨為對。曰：天威咫尺，間不敢重有所瀆，勉強一吸至盡。上大悅。瀟顏面變。

頽頓覺精神。遐漂若行浮雲中。上復笑曰。卿  
宜自述。一時朕亦為卿賦醉歌。二奉御捧黃綾  
案進。上揮翰如飛。須臾成楚辭一章。曰。西風  
颯颯。兮金張。特會儒臣兮舉觴。目蒼柳兮裊娜。  
閱澄江兮水洋洋。為斯悅而再酌。弄清波兮永  
光。玉海盈而馨透。泛瓊筍兮銀漿。宋生微飲兮  
早醉。忽周旋兮步驟。踰踰美秋景兮共樂。但有  
益於彼兮何傷。

洪武間翰林應奉唐肅有應制賦海東青一絕云  
雪翮能追萬里風。坐令狐兔三詞臣不敢

忘規諫却憶當時魏鄭公是日 上御奉天門

外西鷹房觀海東。翰林學士宋濂因諫曰禽  
荒古所戒 上曰朕聊玩之不堪好也濂曰亦

當防微杜漸 上遂起肅有題陶穀郵亭圖絕句云紫風檀槽綠髮娼

玉堂見慣可尋常作款未必  
腸能斷明日聽歌更斷腸

洪武十年宋學士景濂乞骸骨歸華亭朱孟辨紀

其事作詩送之其一曰天語丁寧出紫微特將  
文綺賜卿歸愛卿秉志如金石留取裁成百歲  
衣蓋瀕行 聖祖諭曰卿事朕十九年忠誠可  
貫金石故有是賜卿今六十有八可待三十二  
年後以作百歲衣也其二曰楮鋸親頒當酒錢  
賜金不獨二疏賢想應心醉君王德慚愧長安  
市上賤公既受文綺之賜復出寶鈔數十定與  
之曰卿東歸當酒錢也其三曰城上春雲暖更

飛念卿此地跡將稀。臣身願作隨陽鴈。一度秋  
來一度歸。聖祖一日携景濂步午門西城上。  
顧謂曰：卿未此跡將稀矣。可能再見否？濂曰：老  
臣身未就木當一歲一來也。四明史靖可復補  
作二首曰：君王親為計歸程。幾日携家出鳳城。  
江上春來有風浪。扁舟好向裏河行。曉辭龍袞  
出金門。拜跪相扶有子孫。傳勅更宣來侍食。懸  
知一飯不忘君。蓋入辭。聖祖復諭之曰：大江



春來風浪多宜就裏河達家子璠孫慎俱列侍  
從相與扶掖賜食乃出其寵優可謂至矣後二  
年以慎坐法安置茂州尋卒

宋學士嘗過洛士人挽留之信宿不從以其步蹇  
藏去公怒作詩曰蹇驢掣斷紫絲韁却去城南  
趨草場繞遍洛陽尋不見西風一陣版腸香  
河南人曰偷驢賊曰版腸本此

朱升

字允升風林先生徵之休寧人徙居歙  
之石門天兵下山徵請留宸翰以光後圖

書樓 上親書樓  
花初月樓賜之

朱升早從資中黃楚望澤遊偕同郡趙訪受經餘  
暇遂得六壬之奧偶訪友人見案上寘四合戲  
謂君能射覆乎中則奉之否則為他人餉也允  
升更索一合書射語亦合而寘之曰少俟則啟  
適有借馬者友人令僕於後山牽驢應之允升  
即令一時俱啟前四合皆魚也射語云一味魚  
兩味魚其餘兩味皆是魚有人來借馬後山去

牽驢賓主為之絕倒子同初生時升課之曰此  
子後必遭婦人之禍後同仕至禮部侍郎善詩  
翰大被寵遇禁中畫壁多其題詠或令題詩賜  
宮人忽御溝中有流屍上疑之令同自經壬

課精妙一至於此

天兵下嶽時休寧吳克敏為元義兵萬戶保障闕嶺題詩

扎溪石壁云怪石有痕龍已去落花無語鳥空啼遂自刎死後孔從善為足成一律云萬里西風起馬蹄金戈回首塞雲低木為檠讓先亡趙欲學田單獨下齋怪石有痕龍已去落花無語鳥空啼至今天與英雄恨鳴咽泉聲下扎溪

方孝孺

字希直一字希古別號遜志浙江寧海人宋潛溪門人也高帝嘗令宋

作靈芝甘露頌賜酒大醉歸為方言之頃

酣寢方候夜爨殊未醒即為代製比曉宋

起愕然謂方曰昨上命作頌醉甚誤不

為上怒必賜死方即以文呈宋亟懷之

入朝上迎謂濂頌何在宋出進之上

讀之曰此非學士筆也此當勝先生宋叩

頭謝臣實以賜酒過醉不能成章門生方

某代為之上立召見即試一論五策方

立成上即命面賜緋袍腰帶猶平巾令

往禮部宴命宗伯陪之復遣覘馬方時據

上席岸然上曰斯人何傲因不留俾為

蜀王府教授語懿文曰有一佳士賚汝今

寄在蜀其人剛傲吾抑之

汝用之當得其大氣力

方孝孺為蜀府教授日與諸生講明聖學蜀獻王  
聞其賢為名其讀書之廬曰正學建文帝初立  
以太祖遺令乃召還為翰林博士進侍講建文  
帝好讀書每有疑即召使講解臨朝奏事臣僚  
面議可否必命孝孺就宸前批荅孝孺詩曰斧  
戾臨軒几硯寒春風和氣滿龍顏細聽天語揮  
毫久携得香烟兩袖還又曰風軟彤庭尚薄寒  
御爐香遶玉闌干黃門忽報文淵閣天子看書

召講官。

方正學過子陵釣臺長短句一章云正人須正已  
治國先齊家如何廢郭后寵此陰麗華糟糠之  
妻尚如此貧賤之交安足擬羊裘老子早見幾  
獨向桐江釣烟水。

朱買臣婦葬浙之嘉禾後人名曰羞冢方正學過  
之題詩云青草塘邊土一坵千年埋骨不埋羞  
丁寧囑付人間婦自古糟糠合到頭。

世謂宋人詩不及元方正學有詩駁之云前宋文章配兩周盛時詩律亦無儔今人未識崑崙派却笑黃河是濁流天曆諸公制作新力排舊習祖唐人粗豪未脫風沙氣難詆熙豐作後塵

練子寧

新淦人初名安以字行建文之難與齊秦黃子澄方孝孺俱族誅於是建

文遺臣有行遜者題詩蛾眉亭云一箇忠成九族殲全身遠害亦天常夷齊死後君

臣薄力為君玉固首陽

練中丞過安慶謁余忠宣公祠賦詩曰將軍忠節

冠荆楊千載精神日月光血戰孤城身已殞名  
垂青史汗猶香殘碑墜淚空秋草折戟沉沙自  
夕陽我亦有懷追國士為君感慨奠椒漿嘉靖  
城游潛晝寐夢一人高冠博帶修髯廣額迎謂  
曰昔有練中丞者子識之否命童子取書數快  
以進曰此子寧平生稿也因自誦其詩殘碑墜  
淚空秋草折戟沉沙自夕陽既而曰二句草草  
人多稱之然似有未安處幸不靳點竄如何潛  
即几上取片帋略以意更易向誦之云沙沉折  
戟空秋草淚墜殘碑自夕陽其人聽之撫几長  
嘯徐曰點化之妙仙也仙也遂驚覺翌日有以  
封善自新塗寄贈者題曰玉屑集蓋練公子寧  
禍隼後僅餘之物讀之乃知中丞為子寧官所



誦二句為子寧平忠宣詩也歷百三十餘年  
特茲著夢忠魂義魄固與天地並不朽云

鐵鉉

色目人初為五軍都督府參事官高  
廟每試以盤根錯節知其能喜而字之

曰鼎  
石

建文朝鐵鉉為山東布政抗禦靖難師甚力 文

皇即位擒至闕下反背立庭中令其回一顧不  
可去其耳鼻亦不顧碎分其體至死罵不絕口  
鉉死後二女入教坊數月終不受辱有鉉同官  
至二女為詩以獻詩聞 文皇曰彼終不屈乎

乃赦出之。皆適士人長女。詩曰：教坊脂粉洗鉛華，一片閒心對落花。舊曲聽來猶有恨，故園歸去已無家。雲鬟半縮臨妝鏡，兩淚空流濕絳紗。今日喜逢白司馬，尊前重與訴琵琶。其妹詩曰：骨肉傷殘產業荒，一身何忍去歸娼。涕垂玉筋辭官舍，步蹴金蓮入教坊。覽鏡自憐傾國貌，向人羞學倚門妝。春來雨露寬如海，嫁得劉郎勝

阮郎

茅大方

本名諱以字行泰興人死建文之難者

茅大方少有奇名嘗謁孟廟有千古難忘義利詞之句或贈詩曰陸機此日能為賦賈誼何時復著書洪武中以儒士應辟典教淮南考績入朝高廟召對悅之擢秦府長史勉以董子輔相之業大方目額其堂曰布董

建文初茅大方擢右副都御史聞靖難兵起以詩寄淮南守將梅殷曰幽燕消息近如何聞道將

軍志不磨。縱有大龍翻地軸。莫教鐵騎過天河。  
閔中事業。蕭丞相塞外功勳。馬伏波老。我不才  
無補報。臨風一嘆一悲歌。聞者壯之。至今淮人  
傳誦。

胡閔

號松友鄱陽人  
死建文之難者

太祖征陳友諒。至鄱陽。謁長沙吳文王廟。見壁間  
顯竹詩云。幽人無俗懷。寫此蒼龍骨。九天風雨  
來。飛騰作靈物。鑒賞久之。問祠中人。此誰詩對。

曰里墟中儒生胡閏 上識其姓名洪武中薦  
至 上曰此題詩鄱陽廟壁者也授督府經歷  
建文時遷右補缺進大理少卿北兵起數與齊  
黃議軍國事 文皇渡江不屈死之

堯山堂外紀卷七十九

晉陵蔣仲舒編

國朝

劉三吾

名如孫三吾其字也別號坦坦齊以字行系出宋楚國公之裔世為茶陵

人元末為永平教諭洪武初以文學應辟

劉畊孫三吾伯兄也元至順歷建徽瑞三路推官  
轉寧國路賊攻寧國畊孫題高城門曰身隨士  
妾同甘苦誓與高城共死生城陷死之三吾哭

以詩曰黃甲題名前進士白頭死節古宣州高  
城留得養弘血故友應同李黼遊季兄與孫為  
南豐州同知亦仗節死于臺城三吾哭以詩曰  
桂嶺使還猶有信杉關路斷竟無書生前有恨  
臺城死身後無家故國虛

研孫字長吾  
與孫字存吾

太祖命劉三吾作大誥三編成大喜御筆批曰理  
道周詳始終無疵暢然哉未幾三吾請告歸至  
省城時本省有將獲命官員詢近日京中何事

三吾曰 上新作大誥三編甚妙已而復命見  
太祖問曰會劉三吾否曰會曰云何曰 上  
新作大誥三編真經世之文也 上不憚即遣  
人逮三吾時三吾行至衡山將抵家即隨逮者  
至京賜自盡後數日 太祖問三吾有像否曰  
有即令取看題其上曰此老已八十何不七十  
九白骨埋青山千古名不朽蓋大誥三編既成  
太祖欲從容頌示以為出自己也三吾洩之



故不免於禍

一說張士誠

後問為誰對曰

太祖平偽周

見唐仙琦伏

前元參政

贈詩先

生七十五

何不六十九

白骨葬青山

萬古名不

朽按三朝野史載淮西閻夏貴歸元四

載乃卒人弔之云云不應相同至此

張以寧

字志道號翠屏閩之古田人洪武初官學士

古

田

洪武

初官

學士

古

田

洪武

初官

學士

古

田

洪武

峽山僧慧愚溪邀張以寧觀壁間舊題因誦宋廖

知縣一律有云猿棄玉環歸後洞犀拖金鎖占

前灣以寧謂其切實類唐許渾賦以繼之云瘴

嶺風煙勢漸開喜尋筇竹步莓苔江環列嶂天

中起峽岬流泉地底迴靈鷲飛來蒼磴老怪猿  
啼去白雲哀軒轅帝子應猶在為真南華茗一  
杯

張以寧過嚴陵釣臺留詩云故人已乘赤龍去君  
獨羊裘釣月明魯國大名垂宇宙漢家小吏待  
公卿天迴御榻星辰動人去高堂山水清我有  
長竿數千尺坐來東海看潮生

張以寧送鄉友長篇云君家重峰下我家大溪頭

君家門前水。我家門前流。我行久別家。思憶故鄉水。况乃故鄉人。相見六千里。十年在揚州。五年在京城。不見故鄉人。見君難為情。見君情尚爾。別君柰何許。送君遽不堪。憶君良獨苦。君歸過江上。為問水中魚。別時魚尾赤。別後今何如。張以寧題爛柯山圖詩云。人說仙家日月遲。仙家日月轉堪悲。誰將百歲人間事。只換山中一局

棋

花綸

杭州人洪武十八年乙丑會試黃子澄

音也及殿試讀卷官奏給第一子寧次之  
子澄又次之是年童謠云黃練花花花練黃  
時人莫解比會試及讀卷所擬名數正協  
童謠先一夕上夢殿前一巨釘綴白絲  
數縷悠揚日下及拆首卷乃花綸上燕  
其不才夢已而得丁頭卷姓名與夢相符  
遂擢為狀元然花之被選一時無不知者  
故同榜皆呼為花狀元後並遂謂國初有  
花狀元非也

花綸初授修撰年十八詔許歸娶練子寧送以詩

云三月都門鶯亂啼郎君春色上春衣潘生况

擬。供。調。膳。張。敬。仍。須。學。畫。省。南。陌。酒。香。銀。甕。熟。  
西。湖。月。朗。盡。船。歸。極。知。身。負。君。恩。重。莫。遣。心。隨。  
粉。黛。移。

花有辭藻其後改福建道監察御史出按江西坐  
罪謫戍雲南有題楊太真畫團水仙子一闕云  
海棠風梧桐月荔枝塵霓裳舞翠盤嬌繡嶺春  
錦裯嬉金釵信香囊恨痴三郎泥太真馬嵬坡  
血污遊魂揚柳眉青顰黛損芙蓉面零脂落粉

牡丹芽剪草除根

丁顯建陽人後謫歸德業文章無間焉嘗得其題  
蘭窓詩一首公子善居室倚蘭蔚東窓素榮浥  
輕露冷風振芬芳流玩引日夕恍若臨沅湘豈  
不艷苑李懿茲王者香况逢同心友結佩森翱翔  
翔嘉名既云錫詠言列篇章持謝二三子德馨  
尚無忘是科泰和蕭子韶木匠之子高皇帝  
問其家世對以一絕云嚴覲曾習魯姬

按常年製下青雲梯腰間帶  
淨純鋼斧要斫塘宮第一枝

任亨泰

襄陽人洪武二十一年戊辰赴試前

夕問學卜木杓指北行間有病內熱者覆醫人曰昨服第一鐘甚亨泰即回曰吾已得識矣既而果狀元及第龍過持隆命有司建狀元坊以旌之聖旨建坊自此始

任亨泰十三歲時嘗題扇面云杲日初升萬木低。畫船撐出小樓西。先生正熟朝天夢。門外山禽莫亂啼。其貴達也。人以是詩預占之。

孫黃

字仲衍號嶺南才子洪武中翰林典籍

洪武庚戌孫仲衍與客自五仙城泛舟遊羅浮道

出合江訪東坡白鶴峰遺址還艤舟西湖小蘇  
隄下夜登棲禪寺留宿精舍寺南有王氏朝雲  
之墓眉山長公妾也仲街徘徊有感乃托朝雲  
為詩十首皆集古語而成者其後書羅浮玉仙  
姑月夜過此其一曰家住錢塘東復東偶來江  
外寄形踪三湘愁鬢逢秋色半弄殘燈照病容  
艷骨已成蘭麝土露華偏濕蕊珠宮分明記得  
還家夢一路寒山萬木中其二曰妾本錢塘江



上住。雙垂別淚。越江邊。鶴歸華表。添新塚。燕蹴  
飛花落舞筵。野艸怕霜霜怕日。月光如水。水如  
天。人間俯仰成今古。只是當時已惘然。其三曰  
三生石上舊精魂。化作陽臺一段雲。詞客有靈  
應識我。碧山如畫。又逢君。花邊古寺。翔金雀。竹  
裏春愁。冷翠裙。莫向西湖歌此曲。清明時節。雨  
紛紛。其四曰。東望望春春可憐。江籬漠漠荇田田。  
遠籬野菜飛黃蝶。參徑楊花鋪白氈。雲。迤。迤。

菜長五色鶴歸華表已多年。夢回明月生南浦。  
淚血染成紅杜鵑。其五曰浮雲漠漠草離離。淚  
濕春衫鬢脚垂。涿水為神玉為骨。芙蓉如面柳  
如眉。鐘隨野艇回孤棹。蟬曳殘聲過別枝。青冢  
路邊南。鴈盡問君何事到天涯。其六曰身前身  
後事茫茫。慙斬蘇州刺史腸。猿帶玉環歸後洞。  
君騎白馬傍垂楊。鶴群長遠三珠樹。花氣渾如  
百和香。慚愧情人遠相訪。為即憔悴卻羞郎。其

七曰孤月無情挂翠巒。金爐香燼漏聲殘。雲收  
雨散知何處。鬢亂釵橫特地寒。去日漸多來日  
少。別時容易見時難。明朝有約誰先到。青鳥慙  
慙為探看。其八曰杏花踈雨立黃昏。金屋無人  
見淚痕。短鬢欲星慙有効。此身雖異性常存。關  
門不鎖寒溪水。環珮空歸月夜魂。倚柱尋思倍  
惆悵。夜寒敲玉倩誰溫。其九曰萬紫千紅總是  
春。登臨一度一思君。舞依楊柳樓心月。香沁梨

花。夢。裏。雲。風。景。蒼。蒼。多。少。恨。陰。蟲。切。切。不。堪。聞。  
思。君。今。夜。腸。應。斷。書。破。羊。欣。白。練。裙。其。十。曰。零。  
落。殘。魂。倍。黯。然。一。身。憔悴。對。花。眠。南。園。綠。艸。飛。  
蝴蝶。落。日。溪。山。哭。杜。鵑。天。若。有。情。天。亦。老。月。如。  
無。恨。月。長。圓。此。般。腸。斷。非。今。日。風。景。依稀。似。往。  
年。仲。衍。工。於。集。句。又。絕。句。十。二。首。舞。衫。歌。扇。舊。  
目。綠。萬。事。傷。心。在。目。前。雲。物。不。殊。鄉。國。異。夫。  
桃。窓。下。荷。花。聽。烟。籠。寒。水。月。籠。泚。誰。信。流。年。鬢。  
有。華。燕。子。啣。將。春。色。去。夢。中。猶。記。咏。梅。花。青。山。  
隱。隱。水。迢。迢。客。夢。都。隨。歲。月。消。惟。有。別。時。今。不。  
忘。水。邊。楊。柳。赤。闌。橋。杜。陵。寒。食。草。青青。長。誦。金。

剛枝若經雨冷雲香吊書容夢中同驕風佛  
遠上寒山石徑斜宮前楊柳寺前花紅顏未老  
思先斷莫怨東風當自嗟與君略約說杭州山  
外青山樓外樓屈指別來經幾載愁心一倍長  
離憂旅館寒燈夜不眠湘波冷浸一枝蓮何時  
最是思君處月落烏啼霜滿天欲寫愁腸愧不  
木休稀備記妙高臺問予別恨知多少巴蜀雪  
酒春水來紫烟水上繡春雲一樹繁花對古墳  
辛若無歡容不理半綠脩通半綠君春愁冉冉  
帶餘醒珍簾銀林夢不成知子遠來溪有意皓  
憐風月為多情先陰卒卒一飛梭愁入東風芳  
草多舊枕未容春夢斷秦雲楚雨暗相和身前  
身後思茫茫秋菊春蘭各吐芳慙愧情人遠相  
訪為郎憔悴却羞郎又拋體三首白袷玉郎寄  
絲草飛胡蝶野棠開盡飄香玉細柳新蒲為誰

纒忽忽窮愁泥殺人達人更唱相思曲瞿塘嘈  
嘈十二灘遠船明月江水寒欲隨卽船看明月  
遊絲落絮春漫漫皆托云朝  
雲蓋傳奇體以資談詠耳

鐵冠道人張景和結廬鍾山下藍涼公玉携酒訪  
之道人野服出迎玉以其輕已不悅酒行戲曰  
吾有一語請先生屬對云脚穿芒履迎賓足下  
無禮道人指玉所持柳盃復之曰手執柳瓢作  
盞尊前不忠玉武人不喻其旨相與一笑而後  
玉竟以謀逆伏誅 太祖命搜其家凡有片紙

隻字往來者皆坐死黃嘗為玉題一畫遂被殺  
臨刑口占云鼃鼓三聲畢西山日又斜黃泉無  
旅店今夜宿誰家人皆悲之

凌雲翰

字彥翀號拓軒仁和人領前元至正十九年鄉薦嘗作梅詞霜天曉角一

百首柳詞柳梢青一百首疏梅柳爭春

洪武庚申冬凌彥翀為人題鐘馗圖云朔風吹沙  
目欲眯官柳搖金梅綻葉終南進士倏然起帶  
束藍袍靴露趾手掣硬黃書一紙若曰上帝錫

爾社媚磔于思含老齒頤指守門荼與壘肯放  
妖狐搖九尾一聲爆竹人盡靡明日春光萬餘  
里題罷掀髯自得不數日辟書臨門迫脅上路  
到京授成都府學教授遂成詩識

凌彥紳見人家昆季折屋者作沁園春詞以嘲之  
云樹上凌霄堂前紫荊秋來尚芳柰牝鷄晨語  
鵝鴿憔悴妖狐晝嘯鴻鴈分行仁智非周喜憂  
非舜一旦天倫忍遂忘如何好望松楸感泣桑



梓悲傷。古今禍起專房。總一國猶然。况一鄉。  
家有婦人。豈無長舌。世無男子。誰有剛腸。樹大  
枝分。瓜熟蒂落。此語應非。是篆方。聊書此要。懲  
鑑戒。不在文章。

胡虛白

海寧洪武間教授

洪武間胡虛白歸自江西泊舟番君之望湖亭見  
亭上石刻東坡詩一絕云黑雲堆墨未遮山白  
雨跳珠亂入船卷地風來忽吹散望湖亭下水

連天虛白。磨其韻曰：鷗外清波，鴈外山望湖亭。  
下繫歸船，夜深起坐，占風信。人在珠宮，月在天。  
書壁。忽有老者來，誦其詩曰：子非斗南老人邪？  
乃為長揖，舉首不知所往。虛白因自號斗南老  
人。

胡斗南題楊妃教鸚鵡念心經云：春寒卯酒睡初  
醒，笑倚東牕小玉屏。早悟眼前空是色，不教鸚  
鵡念心經。又題綠珠墜樓云：花飛金谷彩雲空。

玉笛吹殘步障風。枉費明珠三百斛。荆釵那及  
嫁梁鴻。

胡斗南。隻孔笛云。混沌難分濁與清。鑿開空翠太  
分明。有聲本自無聲出。二氣還從一氣生。碧海  
夜寒龍並語。瑤臺月白鳳諧鳴。依稀黃鶴樓中  
聽。吹落梅花雪滿城。

胡斗南。北上行云。食蜜不知苦。衣葛不知寒。今晨  
出門去。始知行路難。鶻磁吹斷蓬。沙磧何漫漫。

羸馬縮如蝟。霜花大如錢。夜步黃河凍。舟行不  
停前。君賜轆轤轉。我賜車輪盤。玉事有嚴程。去  
去勿憚煩。彎弧落旄頭。飛箭定天山。會賦饒歌  
曲。論功萬里還。

胡斗南送徐千戶之甘州云。春寒初試越羅袍。不  
惜千金買寶刀。馬援橐中無薏苡。張騫槎上有  
葡萄。崑崙西去黃河遠。函谷東來紫氣高。何事  
相逢又相別。隴雲邊月夜勞勞。

張尚禮

金華人

洪武間張尚禮拜監察御史一日作宮怨詩云庭  
院沉沉晝漏清。開門春草共愁生。夢中正得君  
王寵。却被黃鸝叫一聲。聖祖以其能摹寫宮  
闈心事。下蚕室死。

張琬

字宗琰  
鄆陽人

洪武初張琬以貢入太學。試高等。拜給事中。調戶  
部主事。庚申。謹身殿災。上不朝者閱七日。群

臣方以嚴見憚。俱莫敢言。惟琬言之。詔可。賜文綺。尋陞戶部侍郎。高廟謂公曰。朕以草昧之初。行經鄱陽。人物風土未遑周諏。可賦詩以對。公應制曰。門倚東湖小浦濱。春來景物益精神。百花洲接新橋路。五老峰連薦福雲。風度鼓鐘孤寺曉。烟橫楊柳萬家春。風光尚想還依舊。上苑題詩得具陳。上為稱賞。尋放歸田里。俄遣中使斬公於永平市。以之年甫二十七。鄱儒竹

居楊甫哭公詩云年少曾聞事上皇朱衣咸羨  
好文章才名既已聞中外天命何須較短長鶴  
入華亭悲夜月鳳回阿閣泣朝陽至今臺上青  
雲士猶向金門說侍郎尋賜塋祭江右之人不  
許任戶部官或謂憊於琬而然

彭友信

洪武中彭友信以貢至京師遇 聖祖徵行口占  
虹霓詩二句云誰把青紅線兩條和雲和雨繫

天腰久而未續友信應聲曰玉皇昨夜鑿與出  
萬里長空駕玉橋 上大悅問其籍翌辰入朝

召友信上殿曰此秀才有學有行遂命為北平

布政使

時有臨海趙某卒業太學為中貴題

婦團云蚕未成絲葉已無鬚雲撩亂

痕枯宮中羅綺輕如布爭得王孫見此圖

祖幸中貴宅見之詰問中貴以趙對即召除

慶知府在郡有廉聲及婦嘆曰昔趙清猷持

一硯今吾倍之遂持二硯以婦時號趙復現

顧祿

字謹中洪武間太常博士

顧祿善詩歌有過鄱陽湖詩一聯云放歌今日容



豪客破敵當年想至尊。聞入禁中。太祖命盡  
進其作。一日。近臣入便殿。見上所常御處。有祿  
詩數帙。蓋深喜之也。

陳煥文扁其屋曰雲巢。索顧謹中賦之。謹中為作  
歌曰。我本雲間人。夙契雲山綠。聞公巢雲處。愛  
作雲巢篇。公家雲巢在何許。會覘秀出雲海邊。  
山頭日月白。雲起雲峰萬朵浮。青蓮山人結屋  
入雲去。置身直上雲松巔。雲蘿千尺覆戶外。檻

下百道來雲泉。雲翁住其下。日與雲周旋。或携  
雲鶴遊。或伴雲龍眠。餐雲英。兮漱雲液。被雲衣。  
兮駕雲輶。有時看雲發。高詠落筆。往往凌雲烟。  
浮雲世事豈能絆。蕭散自是雲中仙。我欲乘雲  
走相覓。雲路峻絕難。黃綠爾來。山人棄雲出。我  
今亦是青雲客。雲騎橋南古汴津。一笑相逢雲  
水白。問公別雲。今幾年。側身東望雲茫茫。又掛  
雲帆拂滄海。歸去自種雲中田。

鄧伯言

新淦人

鄧伯言有遊玉笥山詩一聯曰洞天明月一雙鶴  
澗水碧桃千樹花宋潛溪見而愛之乃以詩人  
薦入京廷試鍾山曉寒詩 高廟愛其中二句  
曰鰲足立四極鍾山蟠一龍以御手拍案誦之  
伯言俯伏墀下悞疑天怒遂驚歛扶出東華門  
始甦次日授翰苑清秩以老疾辭放歸山

錢宰

臨安人

洪武間錢宰被徵至京同諸儒修纂尚書會選孟  
子節文暇日微吟曰四鼓夔夔起着衣午門朝  
見尚嫌遲何時得遂田園志睡到人間飯熟時  
察者以聞明日文華燕畢帝進諸儒諭之曰昨  
日好詩然曷嘗嫌汝何不用憂字宰等驚悚謝  
罪未幾皆遣還

錢宰賦得梧桐樹云梧桐樹一葉墜秋風一葉委  
秋霜明年二月新葉生還在今年葉飛處漢宮

飛鷲迅承恩。零落班姬不如故。君不見梧桐樹。

應履平

奉化人官至方伯

應履平初授福建德化知縣三年赴吏部考滿試論云。篇文頗優。以貌近侏儒。不獲取。乃題詩部門前云。為官不用好文章。只要鬚鬚及胖長。更有一般堪笑處。衣裳糝淨硬綳綳。末不書姓名。聞者以呈冢宰。冢宰曰。此必應知縣也。取其文覽之。果優。次日奏陞考功司郎中。